



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-156-5/22**
Datum: **18.06.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica "HIFA-OIL" d.o.o. Tešanj, za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske pumpne stanice sa pratećim sadržajima, izgrađene u Hrasnici, općina Ilidža na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „HIFA-OIL“ d.o.o. Tešanj, daje se vodna dozvola za ispuštanje oborinskih onečišćenih voda sa lokacije benzinske pumpne stanice sa pratećim sadržajima, izgrađene u Hrasnici, općina Ilidža, na zemljištu označenom kao k.č. br. 111/52, K.O. Hrasnica (z.k. stanje) što odgovara k.č. broj: 572/10, K.O. Hrasnica (kat. Stanje), općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice HIFA-OIL“ d.o.o. Tešanj, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu benzinske stanice sa pratećim sadržajima u Hrasnici, općina Ilidža, održavaju u funkcionalnom stanju i koriste u skladu sa namjenom i uslovima iz ove vodne dozvole a sve s cilju zaštite kvantitativno-kvalitativnih karakteristika akvifera podzemnih voda „Sarajevskog polja“, koje se koristi za javno vodosnabdijevanje.
 - 3.2. Da se u roku od mjesec dana od dana izdavanja ovog rješenja izvrši blindiranje jednog rezervora za skladištenje tečnog goriva obzirom da se isti, po izjavi predstavnika podnosioca zahtjeva, ne koristi.
 - 3.3. Da se u roku od 1 (jedne) godine od izdavanja ovog rješenja realiziraju radovi u skladu sa dostavljenom projektnom dokumentacijom- Glavni projekat-hidroinstalacija, snabdijavane vodom, prikupljanje, tretman i ispuštanje otpadnih voda postojeće benzinske stanice „OILMER“ d.o.o. Sarajevo broj: ZZV-SV-GP-882, uređen od strane „Zavod za vodoprivredu“ d.d. Sarajevo, maj 2020 godine.
 - 3.4. U toku izvođenja svih radova na predmetnoj lokaciji osigurati nadzor nad izvođenjem istih sve u cilju sprječavanja negativnih efekata i obezbjeđenju kvaliteta izvedenih radova.
 - 3.5. Nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda sa lokaliteta benzinske pumpne stanice sa pratećim sadržajima izgrađene u Hrasnici, općina Ilidža.
 - 3.6. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske pumpe može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova na održavanju, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Da se skladištenje nafte i naftnih derivata vrši u podzemnim dvoplašnim rezervoarima ukupne zapremine $V=150 \text{ m}^3$ sa pripadajućom armaturom za rukovanje, praćenje i sigurnost rada.
- 3.9. Da se redovno vrši ispitivanje ispravnosti i propusnosti rezervoara za skladištenje nafte i naftnih derivata u skladu sa propisima iz ove oblasti.
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „HIFA-OIL“ d.o.o. Tešanj, zahtjevom broj: 08-03/22 od 28.03.2022 godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske pumpne stanice sa pratećim sadržajima, izgrađene u Hrasnici, općina Ilidža, na zemljištu označenom kao k.č. br. 111/52, K.O. Hrasnica (z.k. stanje) što odgovara k.č. broj: 572/10, K.O. Hrasnica (kat. Stanje), općina Ilidža.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 043-0-RegZ-22-000639 od 09.03.2022. godine, izdat od strane Osnovnog suda u Zenici-ovjerena kopija,
- Ovjerena kopija Uvjerenja o poreskoj registraciji, od 12.12.2019.godine, izdatog od strane Porezna uprava-Kantonalni ured Zenica,
- Kopija uplatnice administrativne takse i biljega,
- Obavještenje o razvrstavanju dijelova pravnog lica prema klasifikaciji djelatnosti broj: 07-32.5-92566/19 od 12.12.2019 godine dato od strane Službe za statistiku za područje Zeničko-dobojskog kantona,
- Rješenje o vodnoj dozvoli broj: UPI-25-3-40-179-5/17 od 19.05.2017. godine izdato od strane «Agencije za vodno područje rijeke Save» Sarajevo,
- Rješenje o prethodnoj vodnoj saglasnosti broj: 07-06-25-1402/16 od 09.05.2016 godine izdato od strane Ministarstva privrede Kantona Sarajevo,
- Rješenje o naknadnoj urbanističkoj saglasnosti za legalizaciju broj: 03-23-2006/06Lj od 27.11.2014 godine izdato od strane Općinska služba za prostorno uređenje, Općina Ilidža,
- Rješenje o naknadnom odobrenju za legalizaciju broj: 03-23-8499/16Lj od 15.01.2019 godine izdato od strane Općinska služba za prostorno uređenje, Općina Ilidža,
- Izvještaj o monitoringu kvaliteta i kvantiteta otpadnih voda urađen od strane „Inspekt-RGH“ d.o.o. Sarajevo, april 2021 godine,
- Rješenje o okolinskoj dozvoli broj: 05-23-10723/16 od 07.07.2017 godine izdato od strane Ministarstva prostornog uređenja, građenja i zaštite okoliša Kantona Sarajevo,
- Transportna dokumentacija za otpad (radovima na pranju i čišćenju separatora) od 09.02.2022 godine od strane „AIDA -COMMERCE“ d.o.o. Sarajevo,
- Ugovor o zakupu benzinske stanice broj: 24/10/19 zaključen dana 15.11.2019 godine između „OILMER“ d.o.o. Sarajevo (zakupodavac) i „HIFA-OIL“ d.o.o. Tešanj (zakupoprimalac)-ovjerena kopija,
- Rješenje o katastarskom operatu broj: 05-30-1540/19-6 od 28.06.2019 godine izdato od strane Službe za imovinsko-pravne poslove, stambene, geodetske poslove i katastar nekretnina, Općina Ilidža,
- Kopija katastarskog plana UR BROJ: 05-30-4537/2019-3 od 25.10.2019 godine od strane Službe za imovinsko-pravne poslove, stambene, geodetske poslove i katastar nekretnina, Općina Ilidža,
- Zemljišnoknjižni izvadak broj uložka 7988 od 21.10.2019 godine od strane Općinskog suda u Sarajevu,
- Uplaćeni računi za komunalne usluge,

- Odgovor na zahtjev za saglasnost od 01.02.2016 godine dat od strane KJKP „Vodovod i kanalizacija“ d.o.o. Sarajevo,
- Odgovor na zahtjev za saglasnost broj: 41-1/16 od 10.03.2016 godine dat od strane KJKP „Vodovod i kanalizacija“ d.o.o. Sarajevo
- Saglasnost na projektnu dokumentaciju od 09.03.2017 godine dat od strane KJKP „Vodovod i kanalizacija“ d.o.o. Sarajevo,
- Rješenje o odobrenju za legalizaciju broj: 04-360-4682/96 od 29.08.1996 godine izdato od strane Sekretarijata za urbanizam, imovinsko-pravne, stambeno-komunalne i geodeske poslove,
- Saglasnost na glavni projekat za objekat benzinska stanica Hrasnica, broj: 3-30-86 od 05.09.1995 godine izdata od strane Vodovod i kanalizacija Sarajevo,
- Akt sa aktivnostima i rokovima,

B Tehnička dokumentacija

- Glavni projekat-snabdijevanja vodom, tretman tehnoloških otpadnih voda i ispuštanje sanitarno-fekalnih voda iz poslovnog objekta postojeće benzinske stanice u Hrasnici, Ilidža, broj: I-225-08/16 avgust 2016 godine, urađen od strane „ATRIUS“ d.o.o. Živinice,
- Glavni projekat benzinska stanica Hrasnica investitora MDD „MERHAMET“ Sarajevo, urađen od strane LIKUS Inženjering, juli 1995 godine,
- Izvještaj o ispitivanju vodonepropusnosti rezervoara broj 12-95-01 od 04.12.1995 godine urađen od strane „KOVINA“ Visoko-tehnička kontrola,
- Glavni projekat-hidroinstalacija, snabdijavane vodom, prikupljanje, tretman i ispuštanje otpadnih voda postojeće benzinske stanice „OILMER“ d.o.o. Sarajevo broj: ZZV-SV-GP-882, urađen od strane „Zavod za vodoprivredu“ d.d. Sarajevo, maj 2020 godine.
- Završni revizioni izvještaj projektne dokumentacije -Glavni projekat-hidroinstalacija, snabdijavane vodom, prikupljanje, tretman i ispuštanje otpadnih voda postojeće benzinske stanice „OILMER“ d.o.o. Sarajevo broj: ZZV-SV-GP-882, „Zavod za vodoprivredu“ d.d. Sarajevo, maj 2020 godine, sačinjen od strane ES Hydrotechnics dooo, 13.05.2020. godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-156-2/22 od 12.05.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija izgrađenog predmetnog poslovnog objekta se nalazi u ul. Igmanskih bataljona br. 4, Hrasnica na zemljištu označenom kao k.č. br. 111/52, K.O. Hrasnica (z.k. stanje) što odgovara k.č. broj: 572/10, K.O. Hrasnica (kat. stanje), općina Ilidža.

Pravno lice se nalazi u zakupljenom poslovnom objektu a prema Ugovoru o zakupu benzinske stanice zaključenom dana 15.11.2019 godine između „OILMER“ d.o.o. Sarajevo i „HIFA-OIL“ d.o.o. Tešanj.

Predmetni poslovni objekat-benzinska stanica je postojeći objekat i za isti je pribavljena građevinska dozvola.

Za predmetnu benzinsku stanicu pribavljeno je Rješenje o građenju broj: 04-360-4682/96 od 29.08.1996 godine izdato od strane Sekretarijata za urbanizam, imovinsko-pravne, stambeno-komunalne i geodeske poslove u kome je navedeno da je objekat privremenog karaktera te da se kao takav može koristiti.

Kod izgradnje i u postupku ishodovanja navede dozvole pribavljena je Saglasnost na glavni projekat za objekat benzinska stanica Hrasnica, broj: 3-30-86 od 05.09.1995 godine izdata od strane Vodovod i kanalizacija Sarajevo.

U postupku legalizacije izdato je Rješenje o naknadnom odobrenju za legalizaciju broj: 03-23-8499/16 Lj dana 15.01.2019 godine strane Općinske službe za prostorno uređenje, Općina Ilidža. Za ovaj postupak pribavljena je saglasnost na projektnu dokumentaciju 09.03.2017 godine data od strane

KJKP „Vodovod i kanalizacija“ d.o.o. Sarajevo sa uslovima za priključenje u gradsku separatnu kanalizaciju koja prolazi u neposrednoj blizini.

U sklopu benzinske stanice nalaze se sljedeći sadržaji: administrativne prostorije sa sanitarnim čvorom, prodajni prostor, magacin, nadstrešnica za agregate za istakanje goriva, dvoplašni rezervoari za skladištenje goriva, separator masti i ulja, manipulativne površine i parking prostor.

Gradnja benzinske stanice izvršena je po projektu -Glavni projekat benzinska stanica Hrasnica investitora MDD „MERHAMET“ Sarajevo, urađen od strane LIKUS Inžinjering, juli 1995 godine.

Naknadno su samo djelimično izvedni radovi po uslovima iz vodnih akata a odnose se na ugradnju separatora sa koalescentnim filteromi u skladu sa normom EN 858-2 i kapaciteta je 10 l/s. Ovaj separator ima i taložnik od 2,35 m³.

Prema Odluci o zaštiti izvorišta vode za piće u Sarajevskom polju (Službene novine grada Sarajeva 2/87) donesenoj na osnovu Zakonu o vodama iz 1975. godine, predmetna benzinska pumpa se nalazi u III vodozaštitnoj zoni.

U postupku izdavanja ove vodne dozvole priložena je projektna dokumentacija-Glavni projekat-hidroinstalacija, snabdijavane vodom, prikupljanje, tretman i ispuštanje otpadnih voda postojeće benzinske stanice „OILMER“ d.o.o. Sarajevo broj: ZZV-SV-GP-882, uređen od strane „Zavod za vodoprivredu“ d.d. Sarajevo, maj 2020 godine.

U navedenom projektu su predviđene aktivnosti koje će se dodatno izvršiti kao i detaljno opisane mjere za zaštitu izvorišta Sarajevsko polje koje će se morati obavezno provoditi putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost vode.

U cilju što bolje zaštite podzemnih voda pored ostalih predviđenih aktivnosti i mjera u projektu, predviđa se ugradnja zaštitne hidroizolacije preko završnog sloja asfalt –betona, na manipulativnim površinama na dijelu gdje se vrši točenje goriva i na dijelu gdje se vrši pretakanje iz cisterne u podzemne rezervoare.

Oborinska onečišćena voda sa parkinga, asfaltiranih površina saobraćajnica i manipulativnih površina benzinske pumpne stanice se putem slivnika i kanalizacionih cijevi odvode do taložnika. Nakon stabilizacije prikupljene vode u taložniku, voda se preljeva u separator lakih tekućina (ulja i goriva mineralnog porijekla). Prečišćena voda iz separatora preko okna za monitoring se ispušta u gradski kanalizacioni sistem.

Skladištenje tečnog goriva se vrši u podzemnim dvoplašnim rezervoarima, ukupne zapremine V=150 m³ (3x50 m³). Tečni naftni plin se skladišti u nadzemnoj cisterni od 4 t. Ovi rezervoari su osigurani od uzgona podzemnih voda na način da su ankerisani za betonsku ploču. Obezbijedjeni su kontrolom nivoa u međuplaštu te ostalim kontrolama i zaštitom. Rezervoari su ispitani na vodonepropusnost i svi rezultati su, prema dostavljenim certifikatima bili zadovoljavajući.

Zbrinjavanje opasnog otpada se vrši od strane ovlaštene firme prema sklopljenom ugovoru.

Za predmetni poslovni objekat podnosilac zahtjeva pribavio je Rješenje o okolinskoj dozvoli broj: 05-23-10723/16 od 07.07.2017 godine izdato od strane Ministarstva prostornog uređenja, građenja i zaštite okoliša Kantona Sarajevo.

Izveštaj o ispitivanju kvaliteta oborinskih onečišćenih voda sa lokacije benzinske pumpne stanice sa pratećim sadržajima, izgrađene u Hrasnici, urađen od strane „Inspekt-RGH“ d.o.o. Sarajevo, april 2021 godine, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09,

79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „HIFA-OIL“ d.o.o. Tešanj, ispunio minimum uslova za izdavanje vodne dozvole za ispuštanje oborinskih onečišćenih voda sa lokacije benzinske pumpne stanice sa pratećim sadržajima, izgrađene u Hrasnici, općina Ilidža, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „HIFA-OIL“ d.o.o. Tešanj, Igmanskih bataljona br.4, Hrasnica, Ilidža (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo